


Bibël për fëmijët paraqet

Jezusi dhe Llazari



Shkruar nga: Edward Hughes
Ilustruar nga: Janie Forest
Adaptuar nga: Ruth Klassen
Përkthyer nga: Arianit & Valbona Iljazi
Alastair Paterson
Prodhuar nga: Bible for Children
www.M1914.org

BFC
PO Box 3
Winnipeg, MB R3C 2G1
Canada


©2020 Bible for Children, Inc.

E drejta e kopjimit: Mund të bëni kopje ose ta shtypni këtë histori,
nëse nuk do ta shitni.

Maria dhe Martha ishin të shqetësuara.
Vëllai i tyre, Llazari, ishte i sëmurë -
shumë i sëmurë. Motrat
e dinin që Llazari mund
të vdiste së shpejti.
Ato i çuan fjalë
Jezusit. Ai e donte
këtë familje të
vogël nga Bethania.



Kur Jezusi dëgjoi rreth Llazarit, Ai u tha dishepujve të Tij: "Kjo sëmundje nuk do të përfundojë në vdekje". Megjithëse Jezusi ishte shumë kilometra larg, Ai e dinte saktësisht çfarë do ti ndodhte Llazarit.



Jezusi priti në mënyrë që ju të mund të besoni".
dy ditë, përpara Çfarë do të thonin këto fjalë kaq
se të nisej për në të çuditshme? Çfarë kishte
Bethani. Pastaj Ai tha në plan për të bërë,
diçka që i la pa gojë dishepujt e Tij. Jezusi?
"Llazari ka vdekur.
Unë jam i gëzuar që
nuk isha atje,



Kur Jezusi mbërriti në Bethani, Llazari kishte vdekur qysh katër ditë përpara. Trupi i tij i mbështjellë me rroba varrimi,

ishte brenda një shpelle-varri.



Martha shkoi për të takuar Jezusin. "Vëllai yt do të ringjallet sërish", tha Jezusi. "E di - në ringjalljen, ditën e fundit" u përgjigj Maria. Ajo mendoi se duhej të priste gjer në fund të kohërave për ta parë Llazarin sërish. Por Jezusi kish ndërmend


diçka ndryshe.



"Unë jam ringjallja dhe jeta", i tha Jezusi Martës. "Ai që beson në mua, edhe nëse vdes do të jetojë". Marta i besonte Jezusit. Ajo e dinte që Ai është Biri i Perëndisë. Por si mund ta ndihmonte Ai, Llazarin?



Çdokush ishte i trishtuar për shkak të vdekjes së Llazarit. Motra e tij, Maria, po qante. Edhe miqtë që përpiqeshin ta ngushëllonin atë, qanin. Edhe Jezusi qau.



Jezusi shkoi me njerëzit tek varri. Një gur i madh ishte mu përpara hyrjes së varrit.




9

"Hiqeni gurin," urdhëroi Jezusi. "Zot", u përgjigj Marta, "tashmë ai po kundërmon, sepse ka vdekur qysh prej katër ditësh".



10

Me urdhërin e Jezusit njerëzit e larguan gurin tutje. **Atëherë** Jezusi iu lut Atit të Tij qiellor. Jezusi ishte përpara kryerjes së një mrekullie aq të madhe, sa që njerëzit do ta kuptonin se Ai ishte dërguar nga Perëndia.




11

"Llazar", thirri Jezusi. "Dil jashtë". Njerëzit në ato çaste do kenë qënë duke vështruar varrin të mahnitur. A mundet Jezusi të bëjë një të vdekur të jetojë?



12

PO! Llazari doli jashtë shpellës, i tëri i mbështjellë me rrobat e varrit - I GJALLË!



13

"Zgjidheni", tha Jezusi. "Dhe lëreni të shkojë". Çfarë gëzimi që ishte! Lotët u kthyen në të qeshura. Jezusi e kishte mbajtur fjalën e Tij.



14



Llazari ishte i gjallë përsëri. Vetëm Biri i Perëndisë mund ti jepte jetë një njeriu të vdekur.

15



Shumë njerëz që panë këtë mrekulli i besuan Jezusit. Por disa të tjerë e spiunuan tek armiq të Tij - drejtuesit e tempullit. Plot xhelozia ata thurën ligësisht një plan për ta vvarë Jezusin. Kur Jezusi e mori vesh këtë, u largua prej andej për njëfarë kohe.

16

Jezusi dhe Llazari


Një tregim nga Fjala e Perëndisë, Bibla

e marrë nga

Gjonit 11

"Zbulimi i fjalëve të tua ndriçon dhe u jep mendje njerëzve të thjeshtë."
Psalmet 119:130

17



52



60

18

Ky tregim nga Bibla na tregon për Perëndinë tonë të mrekullueshëm i cili na krijoi dhe dëshiron që ne ta njohim Atë.

Perëndia e di që ne kemi bërë gjëra të këqija, të cilat Ai i quan mëkatet. Dënimi për mëkatet është vdekja, por Perëndia ju do juve aq shumë sa që dërgoi Birin e Tij të vetëm, Jezusin, që të vdesë në Kryq dhe të dënohet për mëkatet tuaja. Pastaj Jezusi u ringjall dhe u ngrit lart në Qiell! Nëse beson në Jezusin dhe i kërkon Atij të 'i falë mëkatet e tua, Ai do ta bëjë atë! Ai do të vijë dhe do të jetojë në ty, dhe ti do të jetosh me Të përgjithmonë.

Nëse ti beson se kjo është e vërteta, drejtoju Perëndisë kështu: Jezus i dashur, unë besoj se Ti je Perëndia i bërë njeri për të vdekur për mëkatet e mia, dhe që Ti u ngjalle sërish. Të lutem, eja në jetën time dhe fali mëkatet e mia, në mënyrë që unë të kem jetë të re dhe një ditë të jem me Ty, përgjithmonë. Më ndihmo, të të bindem dhe jetoj për Ty, si fëmija Yt. Amen.

Lexo Biblën dhe bisedo me Perëndinë çdo ditë! Gjoni 3:16

19